

eitel Lumpenwerck / was er durch viel bletter vom Nutzen vnd gebrauch des Sacraments anff die bahn bringet / dann solches alles mit einander zum Hauptstreit nichts dienet.

Will er vnd andere Calvinisten vns fein redlich vnter die Augen gehen / vnd vns bereben / das wir glauben / sie es mit der Augsp. Confession / vnd D. Luthern richtig halten / so bekennen sie fein rund heraus :

1. Die Sacramenta seyen solche Zeichen / dardurch das bezeichnete Himlische ding / so zur substanz vnd wesen des Sacraments gehöret / warhafftig gegenwertig gereicht vnd vbergeben werde.

2. Das die Tauff sey ein Bad der widergeburt vnd ernewrung des H. Geistes / vnd alle getauffte Kindlein / durch dieselbe von den Sünden gereiniget / widergeboren / vnd Christo einverleibet werden: Vnd sie zuvor nicht in der Gnaden Gottes / sondern viel mehr Kinder des Zorns seyen: vngeachtet / sie von gleubigen Eltern geboren sind,

3. Das im Sacrament des H. Abendmals / der ware Leib vñ das ware Blut Christi / den eusserlichen Elementen zugegen / mit denselben Sacramenten vereiniget / vnd also

2 ij

von